

FUTBOLA

Iriarte: «Horixe badagoela erremediorik!»

E. ESNAOLA / DONOSTIA


Berriz ere azalpenak eman beharrean egon zen atzo Salva Iriarte, Real gaizki aritu baitzen igandean Valladoliden. Beasaindarraren ustez, talde honek badu erremediorik. «Horixe badagoela erremediorik. Bi edo hiru emaitza on lortzen ditugunean, ikusiko duzue nola pixkanaka-pixkanaka gora ateratzen hasten garen», esan zuen Zubietan.

Gainera, horrelako neurketa txarrak ez ei ditu Realak soilik jokatzeko. «Normala da hau. Guztiei pasatzen zaie, ez gara bakarrik. Zera gertatzen da: guk pentsatzen dugula guri baino ez zaigula pasatzen. Baina igandeko emaitzei begiratzea besterik ez dago besteei ere gertatzen zaiela jakiteko. Jakina, ahalik eta lan gehien egingo dugu, baina futbola jokoa da eta gauza hauek gertatzen dira», zioen Iriartek.

Eta, osteria ere, falta edo korneretik sartzen dizkieten golak izan ziren hizpide. «Etxetik kanpo jaso ditugun hamar goletatik zortzi horrela iritsi zaizkigu. Nik uste dut kontzentrazioa galdu egiten dugula. Dena den, jokoa bi baino ez dizkigute sartu».

Jaso behar ez diren golak ari da jasotzen Realak, eta, noski, Alberto atezainaz ere galdetu zitzaion Realeko teknikoari. Bere ustez, Alberto ez omen da errudun nagusia. «Golak jasotze hau ez da atezainen kontua soilik, ekipo guztiarena baizik. Hemen defenditzen aurrelariak hasi behar du, Deportiboren kontra egin genuen bezala».

Bestalde, zortzi gizonez osatutako bi taldetxo osatu zituen Realeko teknikoak atzoko entrenamenduan —Purk-ek giharretako arazoak ditu eta Karpin selekzioarekin da—. Hauexek izan ziren bi taldetxoak: Fuentes, Loren, Urija; Imanol, Lumberras; Idiakez, De Paula eta De Pedro izan ziren taldetxo batean; bestean, berriz, hauexek: Albistegi, Pikabea, Aranzabal; Imaz, Yaw; Gracia, Emery; Craioveanu. Pista dexente, ezta?



Arrate presidenteak aurkeztu zuen Athleticen proiektua.

XOUSE SIMAL

San Mames berria martxan da

Athleticek 60.000 lagunentzako zelaia eraiki nahi du Abandoibarran

Jose Mari Arratek eta berak zuzentzen duen direktibak ez dute zalantzarik: egungo San Mames txiki geratu da eta Athleticek futbol zelai berria behar du bere etorkizuna bermatzeko. Ibaiganeako arduradunen ustez, Abandoibarra da estadio berria eraikitzeko lekurik egokiena. Eraikuntza honek 12.000 milioi pezetako (480 milioi libera) inbertsioa eskatuko luke eta 1998rako amaituta egon liteke.

RAMON BASALDUA / BILBO

Futbol zelai berria eraikitzea da egun Athleticeko direktibak duen helburu nagusia. Egun San Mamesen 45.600 ikusle sartzen badira ere, UEFAren araudiak eskatutako lanak egin ostean, 41.000 besterik ez dira kabituko. Athleticek 33.000 bazkide eta beste 4.600 abonatu dituenez, 3.400 sarrera besterik ez lirateke salgai jarriko. «Iazko denboraldian partiduko batez beste 5.400 sarrera saldu zirela kontuan iza-

nik, zaletu asko sarrera barik geratuko lirateke. Egoera honek taldearen itotze ekonomikoa eragingo luke», azaldu zuen atzo Jose Mari Arratek, Athleticeko lehendakariak.

Gauzak horrela, Bilboko taldeko arduradunek bi aukera besterik ez dute ikusten: San Mames handitzea edo futbol zelai berria eraikitzea. Bihar bertan izango du aurreneko bilera Katedralean hobetze eta handitze lanak egitea egokia den aztertuko duen batzordeak. Dena den, atzo Jose Mari Arratek esandakoaren arabera, Athleticek ez du San Mames berri nahi, estadio berria eraiki baizik.

GARELLANO, ABANDO ETA ETXEBARRIA

Athleticeko zuzendaritzak hiru toki dauzka futbol zelai berria eraikitzeko: Garellano, Abandoibarra eta Etxebarria parkea. Arrateren arabera, Abandoibarra, Guggenheim museoaren alboan dagoen gunea, da lekurik egokiena. Talde zuri-gorriko arduradunek egun Amsterdamgo Ajax eraikitzen ari den estadioa hartu dute erudutzat. Honen arabera, San Mames berriak sabai mugikorra eta

kentzen den belardia izango luke, beste era batzuetako ikuskinak bertan ospa daitezke. «Bilboko Metropoliaren sinboloa izan behar du zelai berriak. Hau da, Bilbo aipatzean, beste gauza batzuren artean, San Mames etorri behar zaio jendeari burura. Zelai berri hau oso garrantzitsua izan daiteke bilbotarrentzat etorkizunean», esan zuen Arratek.

Aurrikuspina baino ez bada ere, San Mames berria eraikitzeak 12.000 milioi pezetako (480 milioi libera) inbertsioa eskatuko luke. Arrateren arabera, 6.000 milioi bazkide berrietatik etorriko litzateke eta Athleticek 2.000 milioiko zorra hartzeko aukera du. Gainerako dirua hainbat iturritatik etor liteke, hots, Bizkaiko Foru Aldundia, Eusko Jaurlaritza, Kirol Kontseilu Nagusia, palkoak saltzetik eta abar. «8.000 edo 10.000 bazkide berri izanez gero, ez dut uste proiektua ordaintzeko arazorik izango genuenik. Horixe da aurreneko pausoa. Horretarako, kanpaina bati ekingo dio hilaren bukaeran bazkide berriak lortzeko asmoz», gaineratu zuen Athleticeko lehendakariak.

Zirkua, lehoi eta guzti

R. B. / BILBO

■ Jose Mari Arrate bilbotarra da eta harro dago. Futbol zelai berria eraiki nahi du Bilbon, eta ez nolanahikoa gainera. Argi dago Athleticek futbol zelai handiagoa behar duela. Hala ere, atzo aurkeztutako proiektuak bilbainada baten antza dauka.

San Mames berrian zuri-go-

rien partidua ezezik, Elton John, Pavarotti zein Rolling Stones-en kontzertuak ikusteko aukera ere izango dugu. Hori gutxi balitz bezala, Etxebarria parkean izaten den zirkua ere zelai berrian sartzeko prest azaldu da Arrate. Azkenik, Europako Kopako txapelketako finala nahiz nazioarteko tenis txapelketak ekarri nahi ditu. Bilbotarra da.

LABURREA

Espainiak gaur puntu bat nahiko du Danimarkan

Javier Clemente hautatzeko zuzenduriko Espainiako selekzioak eskuan du 1995. Ingalaterran jokatu den Eurokoparako sailkapena gaur Danimarkan (19.15, TVE-1) puntu bakar bat lortzea nahikoa izango zaiolako. Zubizarreta eta Alkorta, titular. Frantziako selekzioak ere gaur jokatu du (18.00, TF-1), Errumaniako Deschamps titular dela.

Eskubaloia: Cortebancko aurrera European

Cortebancko Bidebieta eskubaloitza aurrera egin du Europako City Cup-en. Eslovakiako Topolniky taldeak aise menderatu ondoren, jokatu du bi partiduetan. Herenegun 29-15 nagusitu ziren eta kanporaketako azken emaitza 61-32 izan da. Bi partiduetan Bidebieta kiroldegian jokatu dituzte. Kanporaketa honetan lortu duten emaitza bikain hau orain etorriko zaie European zelaian fede handiagoz aritzeko.

Lhotseko espedizioa arabarra gaur iritsiko da

Lhotsera joandako Caja Vitoria kutxa espedizioa Juanito Oiarzabal eta Juan Vallejo arabarrak gaur iritsiko dira Euskal Herrira mendiko honetako gailurrera igo ondoren. Horri esker, Juanito Oiarzabalek zortzigarren zortzimilakoa lortu du eta estatu mailan onena da alpinistak haurtako mendietan. Lehen da baita munduko 14 mendigaraientatik hiru denboran berean egiten.

Xakea: Kasparov berriz ere munduko txapeldun

Gari Kasparov errusiarrak munduko jokalaririk onenaren titulua eustea lortu du hamazazpigarren partiduan lortu ondoren. 63 mugimendu behar izan zituen azken puntu erdia lortzeko. Viswanathan Anand indiar garaitzeko. Kasparovek lortu du bere titulua eusteko behar zituen hamar puntuko baina irabazleari dagokion sari osoa nahi badu, beste puntu erdi beharko du.



Lezamako Kirol Instalazioak

Bihar, osteguna, 11:30etan
Gazteen Ohorezko Maila

Athletic Club - Romo C.F.

LANCIA  BILASA rekin dabil *Athletic*

Autonomia, 53 Tf. 427 58 20 BILBO Alameda Rekalde, 48 Tf. 410 12 55